

之東爲府學其西爲縣學府學建立明倫堂義可相共因而仍之余任數年每訪求殘碑斷碣復時詢野老儒生欲得傳聞以  
詳臆見而卒不可得因考據之無由動興作之念恆慮經費之難籌預也乃者邦人士走而告余曰營臺圍者重經始營宮室者  
計復先今於學署隙地籌建明倫堂其經費浩繁非獨力可支謀同築室事類集腋台四鄉有志之士釀金斂資庶有勇乎余聆  
而喜之衆美易集協義也肄業丕基循禮也冬役工作順天時也依學建造因地利也數百年來缺典大備是邦之文運其將駁  
駁乎日上也當於斯堂之建卜之乃擗節清俸以次（旁）因弁數言爲急公好義者勸焉時道光十一年辛卯冬日

## 合浦縣明倫堂記

合浦葉軒  
訓導

合浦爲康郡首區銜山帶海上應列宿下燦明珠佳氣鬱蔥蔚爲文人傑士明季列賢書而登司徒位卿堂而官風憲者不乏其  
人尋復中落乾隆丙申年方伯康公基田知府事建（五）魁閣於南門城樓是邦聯科鄉薦七人距今三十餘載矣士氣弗振論者  
以爲運氣使然設青烏經家者流則以爲無明倫堂故明嘉靖丁丑年知府張公岳改建合浦文廟於城外南屯中爲文廟左右  
爲兩廡前爲戟門其外爲櫺星門殿後爲明倫堂堂後爲兩齋蓋南屯舊址周圍五百餘丈北抵城壕南臨平行百餘里諸峯環  
繞誠一都會也但北抵城壕地頗低窪因建堂建齋於殿後爲文廟之保障文運所由日興明末傾圮康熙五十九年修復時移  
兩齋於府文廟之右斯堂因以不建百餘年來竟無復過而問之夫夫氣運之說誠難知術數之學亦深奧不易測而理與義則  
大光明較著者也明倫堂爲士林藏修息游之所明倫之堂求明倫之學因天見理顧名思義心性源流於是乎溯人品根柢  
於是乎純聖賢學問於是乎傳文章道德於是乎備人不患名之不立特患學之不成耳今以講學論道之區聽其與荒煙茂草  
剝蝕殘廢而不之惜其文運之頹微士氣之衰頓也固無足怪溯唐自開元以移郡縣皆有孔子廟祀廟旁爲之堂其在大學者  
曰彝倫又曰明德在府州縣者咸曰明倫厥典舊矣我朝文明日啟聲教覃敷凡在荒服海隅莫不涵濡同文同倫之化在昔以  
宗憲皇帝御極之元年詔粵東郡縣立社學歲發帑金以延師授課於小子有遠者尚爲之設講藝之堂矧青衿泮林中巨典闕



不補舊章廢而不修乎是猶十室之邑欲延師禮儒而無序宗塾之誦也百工無肆賈人無市農圃無廛可乎同官學博邱君仁麟日夕商此事邑明經鍾君在岐偕諸博士會同陳金縣明府翁君忠瀚復捐俸助之迺擇東齋隙地建立斯堂周方一十一丈有奇高二丈七尺有奇東西七步南北六步鳩工於道光十一年辛卯冬十二月庚寅日落成於壬辰之春文棟朱楹輪奐炳然庶幾多士向業心性人品學問道德當與堂俱新如一燭之乍明浸假而燎原燭天矣正學日明人文日起知山海之奇珠光之秀必有魁梧特達之士出而上應國家昌明之運者氣數烏足限哉請以斯言記之

## 重修試院碑記

攝學王 冉、邑旁 陝西 會學

嘗讀易之觀象曰先王以省方觀民設教維世省方之制不行各郡鎮以重臣凡錢穀兵刑命憲使分轄至於學政則統之一官行部三成一周非但衡文品題甲乙而已將以代天子進退人才造就多士而王國楨幹之選於是乎出焉歲甲辰余謬膺粵東學政之命十郡以次按臨惟廉州獨無試院調赴高涼隨棚考校士子疲於奔命益衰頹無上進志因循遷就非一日矣蓋其地僻處荒徼世受交趾患又山獠海寇交煽為亂歲無甯宇故不得不為此權宜計今國家承平五十年矣時豐物和民生不見兵革類多家絃戶誦踴躍以赴功名奈童子甫試輒使困於行李往返千餘里以就學使此所以視為畏途則當事之責也太守董君淮是邦勵清操釐夙弊決歲而士民大悅徐思以崇文重道之風默進以禮讓雍容之俗乃毅然曰九郡俱有試院何處獨無之爰鳩工庀材於分司故基創建試院土木既備不再踰月而成為堂為齋為廡為硯席以暨庖廐之屬無不備具余自高抵廉道旁人轉相告語以為數十年不見學使旌旗今一旦睹太平盛事遠近觀者咸感歎有淚下者是舉也董君其知為政之本矣嘗論吏治至漢稱極盛然當日如趙張韓蓋之後雷厲風行其才幹豈以文學歷今千百年其流風餘澤猶有存者其過趙韓諸君遠矣然則唐郡之得董太守亦猶蜀之有文翁也今而後廉陽試院與粵東九郡並峙俾寒峻無憂跋涉而學使者亦可隨地設教問俗採風以施其鼓舞變化之權皆董公力也試事竣書其事勒之石將使廉之人士世世頌董公德弗替云董公諱紹業



字舜修由直隸河間府同知擢今守錄白旗人昔康熙三十四年乙亥

## 廉州府署記

明知饒秉鑑

廉州古台浦郡僻在遐方與交趾接壤嶺南極邊郡也郡守公廨歲久頽壞天順三年夏余由肇慶丞遷今職履任之初值寇盜四掠縣有珠池之役欲聊且修葺未遑也越明年珠池停誅又明年而盜息於是鳩工集材次第修之廳堂暨儀門鼓樓皆前太守朱公勤所建無庸更易經歷照磨二廨及東西司房則傾圮者多乃撤而新之萬益架閣二庫舊建於儀門之西地淺窄無牆垣非所以慎守藏也今遷於堂之東龍亭儀仗未有庫非所以肅天威嚴咫尺也今建庫於川堂之東西與退省軒配儀門夫外左右廂房各六間鼓樓之前吏舍東西凡三十二間又前為平正門門外置旌善申明二亭規模視前頗備余用是有感焉之居官者往往視公廨為傳舍甚至風雨不避亦不肯稍破慳囊以為是去住靡定非以是傳子孫也吁苟人人俱存是心幾何不殫蓋視事耶獨不見峻宇雕甍牆子孫不能守不再傳而為富家所得抑獨何哉是役也經始於天順五年七月朔而落成爰紀其歲月焉昔天順七年癸未正月

## 廉州府學記

明祭黃佐

國家宅有天下垂二百年聲教所孚暨於炎荒廉視瓊南尚在內地人多聰穎樸茂進之以詩書之澤游之於聖賢之門未嘗不濟濟多士也府學故在城東北隅地勢窪下以故士氣弗振嘉靖乙未憲安張公岳來知府事既三載以成民裕僉議改建學宮於南門內以元妙觀基地爽塏建學為宜請兩易之議報可購民居五十廬增而廓之計匠役木石之費若干緡經始於戊戌八月建大成殿前為舞臺左右翼以兩廡而為戟門又前為泮池又前為櫺星門戟門之右為霽牲所廟後為明倫堂東為啟聖祠又前為敬一亭東祠名宦西祠鄉賢繚以周垣功未成而張公擢浙江提學以去代者同安陳公健嗣而修之次年己亥臘月落成而囑余文以記余謂學校者天下國家之命脈氣運治化之樞機也今者望門牆而振稍爛然廊廡翼然殿與堂穆然肅然



聖人之澤奕然若新聖人之道巍然若崇聖人之徒欣然若作蓬其盛而然若初發其機今而後將見康之人士予之以軌張董之以師儒束之以功令勅之以爵祿以調和其情節宣其氣琢練其才識磨力蓋養於斯取於斯於斯豈謂邊隅無人傑哉則張陳二太守之波澤遠矣其其事者郡司馬朱公同憲司李王公良弼府學訓導廖景春朱袞也昔嘉靖十九年庚子

## 重修府學碑記

清知府何天衢 綴齋

夫子之道在天壤及國家崇文之治卓被海隅俱已湛於人之耳目心志而無待於言矣惟夫廟堂規制創建與修記其年月以示後人俾得有所稽考則有不可以闕者聞嘗考天下郡縣崇祀夫子至唐始廟至宋始有學然自慶歷詔天下興學校而吉之廬陵撫之宜黃獨後建廣州立學始於章次 呆脚一廣州僻在中國萬里外亦得於是時蒙被教化興立學宮訖其民能知學爲士比於鄒魯道德一而風俗同也廣州府學創於宋迨及元明代有廢興國朝康熙十一年知府徐化民五十九年知府徐成棟先後繕修百餘年來風雨剝蝕日就傾圮乾隆二十九年守廉基田改修戟門泮池櫺星門五十七年教授鍾仲裕改修崇聖祠而大成殿以經費不足遂從略焉嘉慶十九年冬天衛來守廉州下車謁廟伏睹堂廡傾頽慨然太息越明年舉人黃奇圖訓導李芳清等呈請修葺於是天衢喟然曰是余之志也夫既爲詳請院司乃捐廉二百兩爲之倡於是四學生童各事捐輸公舉紳耆以董厥事於二十年十月經始踰年八月落成凡改修大殿一廡崇聖祠三間兩廡及名宦鄉賢祠各一間泮池戟門悉如制費錢川百萬有奇復爲增置書院諸生膏火及新建兩社學經費章程粗具志用稍伸其經理始末既書之於牘藏之於官復敘列茲記之繕礮石以揭之於堂俾後來有所考焉以其辭繁故載之碑陰

## 重修合浦縣治記

明合浦知縣 胡濟世

自秦世誦中原氏成五嶺漢武遣將下南粵始置合浦郡漢唐以來合浦亦海北雄藩也官斯土者豈可以葑舍而歌棠蔭乎余



以癸丑夏承乏茲土邑疲民瘵凡百俱廢屢經颶災公廨敝甚每風雨令為張蓋准事他可知已前尹楊文葉申請改建旋以入  
甄去署蒙視如傳舍遷延至今余次第修之制中為堂東為儀仗房西為庫房堂後為住宅堂東為贊政廳東為縣丞廨西為主  
齊廨兩翼為六房前為儀門東為土地祠為典史廨西為獄又前為大門繞以周垣一應規制始改舊觀事竣因語僚屬曰余與  
公等投畀災微得一椽一瓦以庇身足矣奚敢踵事增華第斯堂為政令所由出也為士民所瞻仰也今而後堂階崇而體統肅  
矣官吏其夙夜在公而事無廢墜矣願安得哀鴻集而民皆有室廬安得廣廈千萬間大庇天下寒士俱歡顏耶是余與公等所  
夙夜念之者請同官請印以斯語為記俾異日官選荒者無異今日一堂交儆云余曰諾於是乎記

### 建合浦縣學記

明尚秦 金

廣東列郡十獨康處遠塞接交趾漸染夷風士鮮學問科第亦寥寥嘉靖乙未秋惠安張太守分符是邦銳興文教府學舊建城  
之東北台瀆縣學附於其旁地卑溼堂殿傾圮號舍鞠為茂草公咨嗟思遷徙之踰年乃卜善地於城南勞費皆獨任遂於丙申  
十月之吉表正方位經材庀工首建學廡次明倫堂次兩齋重建大殿兩廡儀門及櫺星門初謀得大木將祭告神祇伐木於大  
廉山忽於十二月癸巳日夜分颶風大作漂木大小百六十餘株來自巨洋次日黎明已入乾體海口人皆驚駭又月餘忽漂巨  
木六十長短皆稱用若夙購者吁異哉康之士民僉稱自洪武永樂迄於今百七十餘年未有之奇我侯至誠格天天相其成不  
假人力成踴躍惟乎公謙讓弗違爰諭衆人曰漂木偶然爾吾何修而敢謂格天一時農圃工商樂事勸工皆畚土運甓以助不  
數月而落成以圖計者四十有二垣墉以丈計者一百五十有二前鑿泮池深廣合宜後擁土壘山高數仞於是合浦學宮煥然  
整飭與府學峙彼都人士廷試來京師者請余為記為余備述其事如此請印以斯言記之

### 重建合浦縣學記

邑貢生 李廷相

合浦古名郡地界兩廣為嶺海要區自分郡為縣幅員廣袤稍遜於昔繼又歸併石康則今之合浦實兼兩縣地也及昔擬魏科



列憲卿者不乏人慨自明季兵燹學宮鞠爲茂草滄邑附郭權與府共一聖廟完非體制康熙辛巳僉議建復縣學於南屯舊址僅成大殿餘以艱於物力因循未竣迄今未滿二紀並大成殿又將棟折椽摧矣目擊凋敝無不咨嗟太息邑侯鈕公准任謀之秦宋紳士樂捐義助涓吉於雍正癸卯七月七日重建大成殿各祠次第修復計用金五百兩有奇昔魯僖修泮宮而春秋不書說者謂春秋之世雖征伐會盟歲無虛日然學校未廢不書可也若舍泮學宮之建先廢於兵燹後廢於因循茲鈕公銳意成之大爲造隅生色而可不書乎願我同人敬德修業以爭自濯磨庶不負鈕公振興文教之意雖嶺海邊陲當知地費要在人傑豈曰部婁無松柏乎鈕公諱廷彩字君璋號敬亭奉天遼陽州人昔雍正二年

## 廉州府開小南門碑記

高廉道 富明安 師贊

古之建國者相其陰陽觀其流泉辨方正位然後營邑立城制里定宅而居中以出治蓋必山川盤結之區爲風氣所萃乃能成一都會而其形勝結構雖皆本於天造地設然亦往往有藉於人力之補助焉定之方中之詩不云乎望楚與堂景山與京孔氏頌達曰山者自然而有京者人力所爲望楚而兼及於堂而夾輔之勢成景山而兼及於京而山邱之位正古人營建必協天時因地利正方位順人心不敢苟也廉州爲東粵極邊郡其祖脈自大廉山從龍門江東南起少祖折入而結爲郡基其全郡之水則由乾體口入海乾體有塔層累七級高十丈有奇巋然獨峙以鎮水口與郡城小南門遙相對照形家之所謂文筆峯也是以在昔人文稱盛科第蟬聯迨明季寇亂小南門爲出入要路尤被蹂躪維時兵單力薄無與爲守議加堵塞自是氣槩日就衰頹人莫不以仍開爲便乃艱於物力誤於因循歲久弗果乾隆壬申太守周君允紳士之請將爲復開計而余適以觀察行部至廉爲登城眺望審視形勢見山環水繞拱護分明因思廉州齊治古海門鎮也自宋元祐間徙建於茲形勢結構頗爲完整惟是小南門堵塞猶人之面牆而立內外隔絕大於形勢不宜又見城上有樓閣廢址詢係前太守徐君成棟所建之奎星閣亦寓景山與京之意今傾圮殆盡究不若仍開小南門而高築城樓之爲尤善蓋南方爲艱難爲火火爲文明之象其在易曰重明以麗乎



正今小南門實與學宮相對亟應開復以協重明麗正之義使結構所及悉符方位內外之氣同弗宜通因為斟酌山向辨方正位且宜峻其樓櫓整其簷牙俾朝拱胥成吉曜而文明遠應雖星斯為完美甫有成說而余旋調糧儲赴任會城乃不數月而以工竣告請記於余余維周君之守廉也纔踰一期去秋入其疆親見其政通人和百廢具興其於地方利弊人所熟睹而莫肯發言者君獨一一剴切陳之諸上游亦稔知其實心任事今以人人共知久應復闢之小南門而因循堵塞者垂百餘年周君一旦舉行不數月而工竣樓櫓森嚴簷牙高喙俾郡城之形勝煥然於舊觀而通屬之人文將繼美於疇昔斯則所謂協天時因地利正方位順人心者莫善於此余願地方羣吏均當視國事如家事諸凡弊當革利當興者不憚委曲經營而毅然以成之則造福斯民甯有涯涘故樂為之記且以勸凡百有位者時乾隆十八年癸酉九月

### 重建魁星樓碑記

李廷相

我康向無魁星樓閩郡伯徐公淮任三載百廢俱舉尤以振興文教為首務壬寅孟夏乃於舊文明門城上鼎建魁星閣功既竣命相紀之郡人士有言於相者曰北斗第一星為魁主兵壁旁十六星為奎主文此天文家言也宋時五星聚奎肇啟道學是其明驗後世謠奎為魁復肖字象形塑鬼狀持斗者祀之宜亭林老人有科目中人皆弗識字之謂茲之置額盍請誌郡伯以正其謠復有言於相者曰事不貴於獨異而貴於從同政不高於察瑣而尚於識大天下魁之一已奎之是矯異也矯異則矜不標以共知之魁俾成激勵而標以獨知之奎使待考尋是務瑣也務瑣則隘是豈郡伯建閣之初心哉夫鬼神曷靈靈於人心古者壁畫琵琶木題居士相與神之而神即集矧今魁宿尸而祝者殆遍海內諒鬼神亦隨人心為轉移矣且嘗考之朱子少讀書每夕輒有多目神與之商略學遂日進事見朱子集序後世謂神即魁宿又天中記謂東坡死後在天為魁是魁之為神固無定人無定形也北斗第一星職兵者固名魁而文昌星亦有斗魁戴筐之號是魁之為名固無定星也又安見象應文明之宿不可稱魁而鬼形持斗者必非其真象歟維時相弗能決備質於余公曰善哉後說之深得余心也相退爰志諸石以見公之為政不矜不



隘類有如署斯閣者公諱成棟字翊蒼襄平人

## 廉州學田記

明進士御史  
謫合浦士簿 陳 迥

廉郡學故無田嘉靖乙酉秋有司以海需（土旁）新田若干畝歸之學奉學使江右歐陽公檄也先是公督學粵東始至滄嶽剔盡張我文化凡二氏廢業下令郡縣盡輸之官歸學宮以勸多士於時廉民以採珠疲於奔命致無所控訴而乞憐於鬼神故淫祀惟廉郡為最多而田亦不少然而邊海斥鹵之地繩以官法而按畝收稅則囂然稱不便而終委為曠土矣郡守韓公為酌徵其租每畝二斗以濟士之好學而貧者今日是不可以無記乃屬之迥竊思聖人有言既富方穀夫生徒瞻口腹之不暇而欲成人有德小子有造殆戛戛乎其難之惟公能承歐陽公之美意校量於豐儉之間而徵租以濟士由是士與民兩沾其惠而其法為可久嘗觀天下士上焉者無所藉而興矣次焉者有所藉而後興下焉者雖飽食煖衣而亦弗好學此則莫如之何也已大抵天之生上智不偶而生下愚亦不數中人之質多介於可成可敗之間今而復廉之人士其有所藉而興矣質之太守太守喜曰此余置學田之意也可併記之謹敘其田畝土名坵墩併歲租之數於右

## 海角亭記

元廉州伯  
路總管 顏

古合浦漢名郡也地屬南海乃百粵之分韶廣以西朱崖以東水萬折而歸之故以海角名其涯涘未易量也唐改郡為廉州何哉蓋謂漢有孟嘗守政善草弊珠徒復還因易廉名以取律貪之義焉自是牧是邦者多京師人物或以名節著或以德行稱其為政之最者有七賢守孟居其先邦人愛慕立祠歲祀到今不忘宋改州治於海門鎮復為廉州領廉州合浦軍事為中州隸廣南西路夫如是槩不可以僻遠論考之圖誌廉之境土稱善民俗稱淳詢人才當時則有水部侍郎王宮教授繼而掇巍科陟上庠者代不乏人米土物則有盛生於潮可以充國用之須珠產於池可以廣土貢之入至若有城壁為之藩屏有官府為之紀綱



雖鄰而交趾交人使百不敢窺瀕而大海海寇垂尾不敢犯其爲海角也假曰去天萬里孰得而眇之歟昔人以是名亭於城之西南隅陶弼有詩云騎馬客來驚路斷泛舟民去喜帆輕雖然地遠今無益爭奈珠還古有名誦其詩則知名存而不沒者係乎人勢窮而有通者係乎地惜乎亭址蕪而銘石缺矣誰其興之誰其廢之有以作之無以述之悲夫逮至元朝啟運四海混一別廣而暨海之六州三軍析而隸海北南道改本州爲路總管府亦屬焉而廉之名如故向匪天相地靈何以流芳於千百餘載之下而不墜耶延祐丁巳秋奉道分憲按治訪郡耆老講求還珠故事僉曰海角有亭爲此設也今廢也久乃勉之仍舊貫亭成請誌以俟來者延祐七年庚申夏予欽承宣命來從京師任居牧長淮事之始稽古因革詢民利病見可興除者次第舉行一日公暇臨斯亭覽風土慨然激思古傷今之歎視亭雖興又陋弗稱非所以光前顯後也或云云亭之北疏導州江綠雲水繞亭之西南舊有金波橋歲遠亦廢民每病涉於是謀諸僚屬相協經理與亭併增廣之乃率先捐己用不費官工不妨農工畢成功千里之奇觀又夫亭以地勝又取其水光月色上下輝映足以臨流賦詩對月把酒一時之樂耳仕宦而家於萬里之外千里之寄不思爲國計不思爲民憂而希一時之樂興盡悲來曾無感乎噫漢一孟守奚爲而得名聲於南粵之間哉後之登斯亭者有能剔垢磨光揚清激濁甯忠心以報國毋顧身以忘民胡功不成胡名不立罔得有邦專美孟嘗予於是乎記昔至治壬戌孟秋吉日奉議大夫廉州路總管府達魯花赤兼管內勸農事伯顏重建

## 重建海角亭記

明正德坊  
左諭德 謝一夔

廣東僻在南海視諸藩爲最遠而廉又廣東之邊郡也成化壬辰冬族人金同知郡事再明年走書告予曰郡故有事曰海角蓋因其地在青海之角故名事久毀於寇邇者按察司僉事連江林君彥章奉命分鎮於茲乃更創建於故址方圓三十二步許工既訖使不有文以紀之則無以垂不朽敢請予覽書撫然太息曰廉之厄於兵寇垂十年予聞其地荆棘民骨立矣爲之上者耒耜之乳哺之嚴城壁以衽席之崇學校以禮義之百凡民之利病思所以興之革之皇皇然如有不逮是宜林君子雖未識荆然



聞其名久矣今分鎮於是乃汲汲一亭之成以侈美觀豈所宜然予方疑之一日舉以詢之戶部郎中裴君衷衷廉人也瞿然曰噫先生知亭之成而未知亭之所以成蓋林君德有守而才有為其在吾廉信號令嚴賞罰弭盜賊撫瘡痍而向所謂荆棘骨立者皆農桑而膏澤矣故大而城池學校次而倉庫驛傳又次而橋梁道路與凡利民之政罔不以次修舉而是亭之役最後其費皆取足於餘未嘗責辦於有司民蓋不知勞而事以成先生奚疑之過而記也惡乎辭無何金復申前請而書所言無一不與裴公余乃為之記曰夫持正秉法繩糾愆謬以肅一道紀綱者是惟風憲之職而修舉廢墜類皆責成有司林君能不是之拘乃於經畫控制之餘舉提封之內之所宜興者畢興之自非才有大過人而器於職者能然乎矧廉民與犛獯蛋戶相雜處自昔號為難治林君來鎮未幾乃克安其民人與其百廢如此亦足以見其治功之有成矣是固足為林君賀為廉民賀為朝廷邊陲得人賀也豈直一事云乎哉抑予於是重有慨焉前此亭之廢者控制非其人民疲而盜賊縱橫也向使昔之控制茲土者皆林君其人則雖盜賊充斥要必能思患預防地不至如是荆棘民不至如是骨立矣亭亦豈至如是廢弛哉觀是亭之新固可喜念斯亭之廢而吾民之橫羅鋒鏑者不知其幾不亦事可慨也夫是一事之興廢雖小而一方生靈休戚係焉如此復之司民社於推而登斯事者其可不重思盡所以保障吾民乎哉亭之作經始於成化癸巳之冬落成於明年甲午之春董其役者指揮張福是官蕭永泰其人云

## 復建海角亭記

清糧陶正中 半堂  
驛道

考廉志海角亭不詳所自始宋學士文忠蘇公有萬里瞻天宇額嗣後范伯徐劉諸公咸有碑記想見風流文藻輝映海隅顧亭址當元季就湮至今有彷彿而仍其名者豈非重學士之人文而感其遇不忍遂沒其地歟學士自雷移廉於石城有松明書院於廉亦有長春之事清樂之軒矣獨此瞻天留題處歷久益新豈非忠愛關於至性當孤蹤遠蹈時激發尤非偶然歟歲甲寅郡侯武威張君司馬武進莊君司龍寶應紀君合浦尹定興鹿君同時蒞此邦寅恭和民政以畢舉乃相與徘徊遺蹟議以楮入之